

曠  
觀  
櫻  
詩  
卷



830269

曠觀樓詩存目錄 卷五

江村卽景

三首

客窗感懷

雨中偕山陰王小谷

庚

同里湯敬亭 俊 王

琴圃 俊 遊西湖

廬山觀瀑

吳趨汪鑑齋進士 藻 四十壽

題曹清軒 濬澄 得祿圖兼呈尊甫和齋 鎧

曠觀樓詩存

卷五

白下訪汪小峰 庚 不遇

題熊澹仙詩集

香雪樓同王介亭 廣福 湯文峰 鈞 家石甫



璋 鄧西答 烜 分韻

秋夜與丹陽劉福山 萬森 校棊

老至

舟泊蠓磯阻風

曠觀樓觀雪偶成



集劉悅亭 倣 綠綺軒偕玉溪 倣 蓉坡 倣 分

韻

七十述懷 四首

次卞逸琴 雲上 白桃花韻

沙漫洲曉發 六韻

沈廉溪 裕本 見贈楹帖走筆賦謝

留別吳和甫先生 存義

題湯敬亭日涉園

曠觀樓詩存

卷五

二

四焉齋

湖石十二峰

問源亭

小有三十六峰

環香嶺

太平泉

蘭篴

郊居堂

桂苑

蓮橋

最靜處

雪月樓

平臺

水木明瑟之居

遠香閣

淨碧池

曠觀樓詩存

卷五

留翠山房

浣花居

七夕

中秋

題宋劉嵩年村娶圖

四首

清明過揚州

題畫

曠觀樓招集王子勤

廣業

馬覺軒

映辰

沈

梅垞 廷榮 江立亭 懋德 薛銀槎 潢 分韻

雨

又雨

雨後作

登小姑山

贈鄉丈李士龍百歲壽

楓葉

秋聲

曠觀樓詩存

卷五

詠月

遊北固山

甘露寺懷古

登小姑山

雨後作

又雨

雨

曠觀樓詩存

卷五

如皋朱霖霽橋著

男鼎文 畊樸  
敏文 時帆 校

江村卽景

江田雨過稻花香  
笠屐遲遲踏夕陽  
忽聽一聲漁唱晚  
鷺鷥驚起兩三行

楓林紅處是吾廬  
煙靄疎疎喚賣魚  
閑倚溪橋看秋色  
早鴻聲裡月如梳

曠觀樓詩存

卷五

秋滿回塘水映空  
蘆花新月釣船中  
分明一幅瀟湘畫  
不倩倪迂倩惠崇

客窗感懷

客邸正無賴  
亭亭日又低  
鄉心三月後  
春色六橋西  
風暖魚爭曝  
花飛鳥倦啼  
開簾聊縱目  
芳草遠淒迷

雨中偕山陰王小谷  
庚同里湯敬亭  
俊王

琴圃 俊  
遊西湖

湖雲靄靄飛湖煙淡淡聚不見湖面船但聽湖  
心雨春人散羅綺遊女歇笙歌鉛華一刊落西  
子真面多我愛此景奇停橈不能去啼鶯亦有  
情偏揀煙深處須臾雨小霽撲面來微風俯見  
明湖底山山濕亂紅坐久不知寒傾樽還復看  
何物茶磨山翻盡詩人案幽賞正未已夕陽催  
我歸顧謂二三子茲遊信庶幾

廬山觀瀑

曠觀樓詩存

卷五

二

太白讀書處飛泉百道過雙煙騰紫氣九回掛  
銀河天上水簾落湘中襟帶多吾生有奇興拄  
笏且婆娑

吳趨汪鑑齋進士藻四十壽

唱徹南飛字字清壽觴佳節會羣英分光北斗  
瞻文宿高臥東山養宦情詩律久傳元量集藝  
林新播彥章名不須祝汝沉檀佛一瓣心香十  
載傾

題曹清軒 澹澄 得祿圖兼呈尊甫和齋 鎧

紫書昨夜自天來，捧檄親闈亦快哉。安石出山

非小草，鄧羗用世是通材。光榮豈爲交遊重，福

澤都從樂善培。 和齋嘗蒙 俞 旨賜樂善坊 知爾俸錢無

愧色，卽今東省正需才。

白下訪汪小峰 庚 不遇

爲愛岩居好，言尋松石間。閉門閉秋草，流水響

空山。四壁尙餘畫 小峯 工畫 斯人何處攀，題詩掃蘿

曠觀樓詩存 卷五

磴留待使君還

題熊澹仙詩集

君不見霓裳妙舞冷，月娥天孫機上離恨多人

間。闈閣負才調，眼前境遇便蹉跎。淡仙詩卷饒

淚墨，管城日與愁城逼。花晨月夕一微吟，滿紙

霜駭動秋色。平生懷抱足幽憂，茹雪空堂命不

猶綺才清節。古所罕，斷腸漱玉非爾儔。世人重

才惜蘭質，但恨身不筭。而櫛我道澹仙作才子。



寒瘦亦與郊島匹豈無回文蘇若蘭肅雝鄭允  
端晚年唱和康且安人生庸福亦何限名媛獲  
此良獨難嗟乎澹仙爾勿苦詩才自足壽千古  
區區遭際何足言東漢曹昭閨秀祖

香雪樓同王介亭 廣福 湯文峰 鈞 家石甫

璋 鄧西筇 烜 分韻

東閣疎梅破晚風  
瓊樽相約待君同  
人吟月色  
閑窻裡天釀  
春心小雪中  
四壁冷香聊伴影一

曠觀樓詩存

卷五

四

聯瘦句要爭功爲言玉笛遲遲奏好對寒葩着  
放翁

秋夜與丹陽劉福山 萬森 校棊

每對福山棋祖生  
輒先著斤斤守尺寸自恐才  
力薄但見敵兵來快如風雨落一騎扼河橋誰  
敢渡回洛當其白戰時我軍幾爲縛困極出奇  
兵歛鋒故示弱七覆隱未動兩甄輕相搏倏出  
黑稍公銀都爲小却乃知區區枰轉敗仗妙畧

羊曇爾弗誇謝安亦相若但有鐵鷁軍何慮爾  
使鶴夜闌携酒來覆局恣嗔噉

老至

老至百無能寒窻被凍蠅有情耽酒佛多病戀  
茶僧才盡三升墨心孤二尺燈殘編聊復爾坐  
覺鬢霜增

舟泊蠓磯阻風

悶坐蓬窻學楚囚江豚吹浪帶行舟半甌竹葉

曠觀樓詩存

卷五

五

愁中醉一枕蘆花夢裡秋獨夜有猿啼楚岸鄉  
心和雁過揚州明朝倘遇東風便願聽扁郎發  
棹謳

曠觀樓觀雪偶成

雪花如掌暮雲端樓外今年鶴語寒天上清談  
霏玉屑人間下筆走銀瀾小紅瑟縮停筇坐大  
白淋漓倚醉看倘遇月明更奇絕夜深休負碧  
闌干

集劉悅亭

儻

綠綺軒借玉溪

儻

蓉坡

儻

分

韻

高齋每到輒關情，况是春三雨正晴。  
杯送尉遲添酒趣，人如皇甫擅詩名。  
捲簾嫩綠爭迎屐，掃徑殘紅偶上桮。  
只恐曲高難入和，薜蘿陰裡七絃聲。

七十述懷

功名心事付雲煙，回首鬚眉總皓然。  
敢據文壇曠觀樓詩存

卷五

六

誇後進好將詩卷殿，殘年天香已分蟾宮遠。  
家法從教鹿洞傳，檢點平生殊自慰。  
早敦儒素晚林泉

天涯尙憶壯遊時，橐筆湖山屢構思。  
帝子閣中江似帶，貞娘墳上雨如絲。  
三生笠屐添幽興，千里波瀾付小詩。  
今日倦飛人老大，夢魂猶復繞湘疑

事到因心俗慮稀，邇來久息漢陰機。  
碁邊置酒

呼鷓出竹外移琴待鶴歸愛種菊花憐晚節慣  
栽棠棣戀春暉旁人不識林亭性苦道山翁作  
達非

衰顏猶駐鏡中春笑對觥籌話此身肯淡名心  
常却老不隨風氣便全真三千里外招詞客

謂三

原李  
琴生

四十年間揖講賓

謂王  
文田

從此天懷應更暢

煙霞常護設弧辰

次卜逸琴

雲上

白桃花韻

曠觀樓詩存

卷五

七

雪聚花濃處桃開低粉垣助嬌梅有韻含笑李  
無言劉阮如窺影紅塵定厭喧東風吹露并月  
下故翻翻

沙漫洲曉發

殘夜客揚舲舟行望杳冥帆兜斜月白山拍早  
潮青天地乘風便功名擊楫聽登高誰助我願  
乞水神靈

沈廉溪

裕本

見贈楹帖走筆賦謝

伯英大草天下稀得之屏障生光輝臨風把玩  
不釋手但見鬱律蛟蛇飛文章窠臼務脫化拘  
守法帖古所非杜陵評書貴瘦硬東坡乃取顏  
公肥廉溪手翰集衆妙唐宋百家供指揮摩挞  
古法出新意知於此道三絕韋河豚贖本尙賦  
俗矧爾的筆又何譏潘公之鏡涪翁扇千金聲  
價此庶幾卽今衰老頭半白腕力猶足摹兩屏  
用黃庭經長箋短幅度高閣求者不亞羲與徽辱君  
曠觀樓詩存

卷五

八

持贈拜君惠恨無一斛明月璣作詩走謝三嘆  
息徵君之筆吾誰歸

留別吳和甫先生

存義

黃花時節病相如曾挾倉公問起居

謂黃我石

四壁

煙雲前代墨一軒風雨上清書淋漓手筆勞題

額

霖七十承惠額

瀟洒胸懷願吐車日暮河梁重回首

幾時仙鳥下吾廬

題湯敬亭日涉園

四焉齋

有堂名退思有軒號請息何如四焉齋翰墨而  
道德

湖石十二峰

開簾煙雨來嵐翠籠清晝唯應金釵人相對峩  
眉秀

問源亭

南天饒瘴癘宦海足風波恰憶在山日桃花春  
曠觀樓詩存

卷五

九

水多

小有三十六峰

我攜散馬圖擬乞仇池住但恐小蓬萊飛入洞  
天去

環香嶺

淡月峰頭掛生香影四流春風引蝴蝶步步入  
羅浮

太平泉

寒滴玉玲瓏添瓶新月霽潭影日悠悠酌此壽  
千歲

蘭篴

入室淡相對薰爐絕點塵捲簾話春雨定有素  
心人

郊居堂

郊居二十年不插塵中脚一旦爲蒼生去去翔  
寥廓

曠觀樓詩存

卷五

十

桂苑

玉宇太高寒爭及人間好我願折秋華與子山  
中老

蓮橋

蓮葉何田田香繞橋前後仙人雙髻了穩泛如  
船藕

最靜處

曉雨細無聲濛濛濕香徑花瓣點春波譜入幽

人聽

水簷雪月樓  
雪月揚清輝  
三珠韻獨勝  
眼界玉晶瑩  
一片聰明境

彈指現樓臺  
崢嶸入懷抱  
垂老悟看山  
筆筆中鋒好

水木明瑟之居

曠觀樓詩存

卷五

十一

古樹淡寒煙  
蒼然見遠岫  
空水一痕秋  
沁入鬚眉秀

遠香閣

花院隔重重  
蛺蝶清無夢  
何處暗香來  
春風忽吹送

淨碧池

水碧淨於揩  
娟娟瀉秋月  
雨過麴塵消  
閱數青苔髮



留翠山房

春色一園花下簾關不住秋色一房山捲簾飛  
不去

浣花居

不惜洗紅多生恐輕塵浣僮約寫香箋自督園  
丁課

七夕

鵲橋微雨夜新涼針線人間乞巧忙我願焚香

曠觀樓詩存

卷五

祈織女幾時真起郭汾陽

中秋

銀河一片洗秋煙珠箔西樓捲暮天照影翻愁  
詩友別當筵空負月華圓

時李琴生  
去淮上

蘿軒夜久

猶移榻竹徑涼多罷拂絃剩有太行新酒在呼  
兒盡醉北窗眠

題宋劉嵩年村娶圖

當年坡老詠朱陳簫鼓曾吟畫裡身今日丹青

尤趣絕烏犍背上看新人  
布裙微露繡鞵尖障面紗輕頰暈添鄰媪兩行  
齊指點紅纏酒甕說妝奩  
桃李村中踏軟塵三三五五接親人風前笑向  
新郎揖一色長衫紫領巾

二月茅檐喜酒香鷄衣伴裡太顏唐飯籬滿乞  
不歸去要看坐筵新嫁娘

清明過揚州

曠觀樓詩存

卷五

三

城郭綠楊斜年年插最譁韶光催冷節風俗自  
繁華分酪猶沿古停橈偶憶家玉鉤何處是携  
酒洒梨花

題畫

楓林瑟瑟弄寒晴雪後青山畫不成山裡有人  
攜蠟展斷橋西去訪梅行

曠觀樓招集王子勤

廣業

馬覺軒

映辰

沈

梅垞

廷榮

江立亭

懋德

薛銀槎

潢

分韻

錢春無緒更留春  
嘯侶登樓野趣新  
園筍媚煙猶裏籜  
溪梅經雨暗生仁  
才枯自覺詩憎我  
酒熟還憐客可人  
坐久不知清晝永  
風前飛絮滿烏巾

雨

鎮日廉纖雨層陰鬱未開  
園林春事去簾幙峭寒來  
香裡蝶尋夢煙中雉引媒  
嫩晴如有約端仗好風催

曠觀樓詩存

卷五

古

又雨

庭院深沉坐困人  
如酥細雨又兼旬  
久疎屐齒苔痕長  
偶捲簾波草色新  
不酒翻成千日醉  
無花空度一年春  
露雞却有談元興  
祝祝東窻夜復晨

雨後作

溪山如畫曉風輕  
天惜餘春放嫩晴  
十里煙林花氣暖  
日斜啼煞柳邊鶯

且閣遊春七寶車亭臺收拾舊煙霞今朝雨後  
饒生計笑領奚僮掃落花

癡雲散盡露春林屋北溪西策杖吟且喜漲痕  
添尺許蘋花多處種魚鉞

登小姑山

卅六黃山外峰巒屬小姑大江流遠勢秋色落  
平蕪雨過林容潔雲消鶴影孤明朝携蠟展雁  
宕再披圖

曠觀樓詩存

卷五

七

贈鄉丈李士龍百歲壽

鄉黨稱耆壽祥和慶德門鍾靈關造化種福及  
兒孫品比償金潔言如挾纊温不須南極應仙  
李久蟠根

楓葉

落盡楓林葉吳江深更深自天催晚節墮地尙  
丹心殘月雁聲度夕陽鴉背沉休飄砧杵上紅  
淚正沾襟

秋聲

天然秋爽逼樓臺  
蟲響風鳴畫不來  
廊轉吟鞋行落葉  
蕉含殘雨滴蒼苔  
三更清籟搖書幌  
一曲流泉入酒杯  
却怪商音最高潔  
庾郎何事獨興哀

詠月

月上畫闌干  
梧桐散清景  
流艷照幽閨  
小步珊珊影

曠觀樓詩存

卷五

六

遊北固山

煙如嵐翠雨如波  
畫出江南遠勢多  
便欲刺船侵曉去  
石帆山下理漁蓑

甘露寺懷古

丁家短劍甘家戟  
戰伐飛騰劇可誇  
千載陵亭人去後  
春風很石臥苔花

卷五終

曠觀樓詩存目錄 卷六

題梁子善都轉 寶森 觀瀑圖

曠觀樓坐雨偕黃菊坡 綺 陳子雨 雲生 沈

笠湖 鍾 分體

書族祖雲車公孝子傳後

金陵舟中風雨竟夕感而有作

丹青詠 十二首

太史簡

曠觀樓詩存 卷六

董狐筆

張良椎

蘇武節

嚴將軍頭

嵇侍中血

張睢陽齒

顏常山舌

遼東帽

出師表

渡江楫

擊賊笏

書事

咸豐丙辰大旱蝗道殍相望借同志發粟食餓者感而有作

秋蘭

秋桂

秋菊

秋楓

曠觀樓詩存

卷六

二

觀野航上人畫佛

悼亡 四首

送袁敦齋

祖安

之廣州

題蘭仙校書畫蘭

過泰州遊園

對鏡

微雨偕吳子雋

文杰

遊虎邱

病起口占

古渡

贈別白海峰明府 聯元

投宿山寺

無題

借京口趙雲栖 國圻 何燮堂 茂才 同里楊

鵲臣 沐春 登吳下北寺塔分韻

白燕

白雁

曠觀樓詩存

卷六

三

夜歸值雪

送緘金姪 銘 入粵

泛舟偶成

聽范杰人 偉 彈琴 同里

還家感懷

野望 山寺

聞笛

對酒



烏反哺

題金筱莊郡伯咸撫松圖

將至南昌舟中作

謁史閣部墓

曠觀樓詩存

卷六

四

歸史閣部墓

將至南昌舟中作

題金筱莊郡伯咸撫松圖

烏反哺

曠觀樓詩存 卷六

如皋朱霖霽橋著

男鼎文 鼎文時帆 校

題梁子善都轉寶森觀瀑圖

尺幅鶯溪萬丈泉知公心似在山年綠陰表聖  
琴邊坐白醉淵明石上眠十載冷官殊淡宕半  
生空水共澄鮮一盃願付任公末常結清流未  
了緣

曠觀樓詩存 卷六

曠觀樓坐雨偕黃菊坡 陳子雨 雲生 沈

主空大笠湖 分體

小樓閒對晚煙開掃地焚香絕點埃一架矮松  
高士臥半簾今雨故人來輕寒門巷遲分繭淺  
夏池塘漸熟梅更喜燈前情話好且傾缸百醉  
干杯

書族祖雲車公孝子傳後

君不見嵇紹嘔血激英風安藏剖腹明愚忠

行苦節照千古誰其繼者雲車公公母沉疴憂  
不起真宰上訴涕如水刀圭束手醫無功孝子  
骨立心爲死心死矣母安得生佛家割肉矜普  
救行路且然况所親是時風霆驚四座誠孝格  
天天相佐麾刀出肝糜作羹一腔熱血三花破  
吁嗟孝子真丈夫既全阿母兼全軀鄉鄰觀者  
走相說爭傳母子性命同時蘇此事流傳二百  
載肝膽照人今尙在雒誦祖德發浩歎子孫世  
曠觀樓詩存

卷六

守戒勿怠

金陵舟中風雨竟夕感而有作

風急雨瀟瀟扁舟坐寂寥秋聲敲客夢遠勢挾  
江潮夜久燈猶續愁多酒更撩家書前日達展  
讀又魂消

丹青詠

并序

不識直曩聞文山正氣歌見其援引歷朝忠節  
苦澁悲歌慷慨幾於驚風雨而泣鬼神爲心

折者久之嗚乎鞠躬盡瘁死而後已武  
鄉侯之心文山之心也而諸賢抑可知  
已暇日叙之爲丹青詠

太史簡

寢門開晏嬰哭執簡書太史僂哭者見義苦不  
勇不如書者風節重賊臣利害計頗詳平仲不  
誅太史亡太史亡青簡香

董狐筆

曠觀樓詩存

卷六

三

彌明死堦前鉏麈死槐下乃心私室忘君父惟  
有董公真健者當年倒戟禦公徒紛紛諸臣縶  
不如柱下一官抱忠悃末減趙穿首誅盾首誅  
盾大義在頭可斷筆不改

張良椎

二周凌夷六國滅萬里金城新喋血已銷鋒鏑  
禁鞭笞副車尙有博浪椎報韓未遂還鄉里從  
此祖龍禡魄死嗚乎言忍不言忠冷笑授書黃

石公 褒血難動立帝前受規藩封百餘餘封

蘇武節 立帝前受規藩封百餘餘封

漢蘇卿困遼海塞草看羊十九年節旄落盡丹  
心在歸來冠劍入凌煙嚼雪吞瓊畫裡天主上  
褒忠臣奉職何論官卑二千石漢蘇卿三尺節  
千秋名征鴻夜夜含悲聲石城王導空復情  
嚴將軍頭

將軍頭桓侯矛欲斫便斫怒何爲我州將軍不  
曠觀樓詩存

卷六

四

爾隨將軍忠義善保蜀但恨閭懦劉季玉不聽  
劉巴聽張松將軍毋乃恨填胸恨填胸終不挫  
桓侯長揖延公坐西州豪傑盡楚囚偉哉獨有  
將軍頭

心 稽侍中血 入 麥 點 劉 雲 吞 蝦 畫 野 天 王 士

西晉數蓋臣稽紹與吉朗朗也實忠貞惜未死  
戎莽昂昂鶴立稽侍中揮戈欲返虞淵窮蕩陰  
落日裹血戰岷立帝前受賊箭侍臣紛紛佳馬

馳忍令天子瀕艱危瀕艱危士少節漢廷行酒  
帝衣青更無一點嵇生血

張睢陽齒

睢陽有堅城張公無完齒城陷江淮危齒盡張  
公死當其未盡時雀鼠供刀匕眇賊尹子奇狂  
攻城爲圯坐合猪龍肉不登睢陽蓋公亡齒不  
亡正氣山河峙麾下激英風南八男兒指

顏常山舌

曠觀樓詩存

卷六

五

忠臣不辱節臨死甘菹醢矯矯顏杲卿身亡舌  
尚在阿鞞長驅窺六幕獨守常山障宛洛承業  
阢公公勢窮帳前噴血鳴孤忠鳴孤忠祿山折  
叛臣赤心公赤舌赤心有時移赤舌千秋烈

遼東帽

戴漢天履漢土木榻穿皂帽古黃巾縱橫闡豎  
驕低頭不忍乃適遼神州陸沉厄陽九身在天  
涯心元首當年高祖冠竹皮傳序四百終凌夷

遼東帽中心悼

出師表

漢賊不兩存宗臣決大計煌煌出師表流涕稱  
先帝前表明王業後表陳國勢鞠躬任艱難盡  
瘁以待斃豈惟昭烈感精誠通高惠况乃國賊  
操見表應反袂成敗關炎運夫豈罪經濟秋風  
五丈原班師三軍涕

渡江楫

曠觀樓詩存

卷六

六

東晉戰勲誰最高史筆大書祖與陶陶公夢八  
翼其心猶叵測不如祖豫州公亮憂社稷中原  
板蕩天步傾渡江扣楫風濤驚義旗一戰收河  
內右侯束手程遐退典午衰妖星來神州父老  
終陷賊至今江流猶飲泣

擊賊笏

驕帥縱兵書殺人虞候按法兵爲馴司農劍威  
莫倫賊泚潛師襲乘輿靈岳夜發令言符司農

印真丈夫劍干帥忌帥不疑印犯賊怒賊不知  
號召賊黨稱元后公前擊賊賊傷首司農笏忠  
不朽

書事

咸豐丙辰大旱蝗道殣相望借同志  
發粟食餓者感而有作

子敬粟指困堯夫麥載舸周恤理則宜而况遭  
蝗禍今年古橋饑赤旱日如火高田採鳧芪下  
澤竭蒲贏斗米值千錢流離滿蓬顆鵠面而鳩  
形念此涕爲墮恨無監門圖拜章上馭安凶歲

曠觀樓詩存

卷六

七

不能助鄰里安用我釀錢集父老父老幸報可  
慨然發紅陳糠粃不及簸豆羹雜芋魁得食亦  
云頗區區貸粟心敢云民之麥側聞江淮間百  
戰烽煙鎖大兵繼凶年憂患測誠叵弱者薜荔  
魂强者荏苒夥鴻雁嗚嗷嗷一飽庶貼妥好德  
與市恩付之衆口哆長揖謝飢人歸來掩關坐

秋蘭

幽絕不喜媚秋香更深更深美人渺何處清露已



沾襟入室淡相對涉江闕自吟芳馨休便老或  
恐有同心

雲升秋桂

廣寒天上種何事落人寰冷露經年墮西風一  
夕還影多惟有月香重不離山招隱良堪賦涼  
秋八月間

秋菊

未識傲所恃殘秋滿地霜風侵孤影瘦月冷一

曠觀樓詩存

卷六

八

籬香氣韻淡如此離騷怨未忘東籬自佳色何  
事炫春芳

秋楓

霜意染不盡夕陽開晚花年年依過雁樹樹帶  
歸鴉古寺落殘月吳江飛冷霞丹心最幽艷風  
雪任交加

觀野航上人畫佛

折葦拈花染翰深丹青家法重禪林願公且擱

莊嚴筆更畫當年面壁心

悼亡

生平負汝鹿車牽七十年華付暮煙今日銅仙  
重回首爭教鉛淚不潸然  
傷心二隗久離居哭汝歸來淚滿裾自說連環  
成夢訣早秋曾寄訛安書

愁憶金環葬夕暉喪明事遠涕頻暉豈知二十  
餘年別地下先持阿母衣

曠觀樓詩存

卷六

九

淒淒僵雪滿簷牙轉盼新年感鬢華總帳未歸  
春寂寂誰拈老筆頰椒花

送袁敦齋

祖安

之廣州

蕭蕭霜葉戰秋酣餞別虛堂把酒談十載飲香  
來日下一官馳譽入天南文多硬語能驅鱷政  
有餘閑偶諫蚶他日宦成書畫錦莫持端硯付

歸驂

題蘭仙校書畫蘭

絕妙蘭閨筆蘭仙乃畫蘭風塵青眼少羅綺素  
心難卿自紉香坐人誰空谷看莫教紅委露妝  
淚已闌干  
滿日過泰州遊園墓土香數分三月柳絲風一  
極浦卸征帆孤城夕照間真秋後古客自到  
來凡倚澗松如臥凌雲桂不芟一聲鐘磬度墻  
外小香岳

對鏡

曠觀樓詩存

卷六

十

對鏡忽自笑霜華滿鬢絲尚餘江海夢敢爲子  
孫私臘雪探梅處秋風種秫時自然生計足不  
用歎崦嵫

微雨借吳子雋

文杰

遊虎邱

滿目青青草貞娘墓上香煙花三月膩裙屐一  
春忙我到逢疎雨山行趁晚芳歌聲與月色何

處問中郎

病起口占

畢竟人間債天公苦勸償餘生重入夢小別又  
還鄉春盡蠶絲縛秋深鶴骨涼從今陽五姓欲  
說恐頽唐

古渡

門前繫纜樹樹已空心舟楫長孫子煙波成  
古今偶然漁父到依舊夕陽沉試問津頭月江  
潮幾淺深

贈別白海峰明府

聯元

曠觀樓詩存

卷六

十一

庇人棠舍僅二年仙鳥飛飛又各天吏政久嚴  
烏攫肉士林爭頌雀銜鱣廉公名已來時重何  
武恩從去後傳倘念部民攀轍意種花舊治再  
鳴鞭

投宿山寺

亂山迢遞處投宿問樵漁夕照催疲馬西風動  
木魚扣門驚老衲對佛洗塵裾安用勞勞嘆行  
將賦遂初

無題

車如流水馬如龍，半面驚鴻憶玉容。  
銀漢有波難問渡，崑崙無信只愁儂。  
鳳尖可許三千拜，蝶夢新添一萬重。  
檢點沉香爐火在，雙煙淒絕繡芙蓉。

借京口趙雲栖

國所

何燮堂

茂才

同里楊

鵲臣

沐春

登吳下北寺塔分韻

崢嶸塔勢與天通，到此詩人望眼窮。  
一雁叫雲曠觀樓詩存

卷六

三

歸海上千帆，銜雨渡江東。  
悲秋那待登臨後，弔古難禁莽蒼中。  
射虎不來甘露冷，令人長憶紫髯公。

白燕

漫向烏衣巷裡尋，珠簾夜捲月華臨。  
天涯作客含秋色，江上留人話素心。  
香到絮泥春淡淡，夢回銀燭夜沉沉。  
府中祇有紅襟者，如此清標孰賞音。

白雁

霜作先聲雪作媒  
蘆花影裡却飛來  
驚寒亦有冰心抱  
落筆將毋粉本猜  
斜月半堦瑤瑟怨  
西風萬里玉門開  
天涯題塔人多少  
都是瓊林吐鳳才

夜歸值雪

醉倚凌兢馬  
行行夜雪中  
三更江店暗  
滿地月華融  
碎踏危橋凍  
寒衝壞塚風  
小樓何處認樹  
曠觀樓詩存

卷六

三

外一燈紅

送緘金姪銘入粵

片帆遙指五羊城  
送汝長征百感并  
蓮幕好隨王儉入  
藥籠應傍狄公行  
秋風瀧水哀猿嘯  
夜月羅浮倦蝶迎  
自古天南多瘴癘  
莫教離恨客中生

泛舟偶成

老來餘興滿煙林  
偶爲看花棹碧潯  
船尾載詩

船腹酒風流還有五湖心

聽范杰人偉彈琴外無人發

月下走泉音洽洽入妙境獨鶴忽飛來立破蒼

苔影

還家感懷

夢裏黃州路又遶小園四月繫歸橈雨餘闌藥

紅初破夏淺庭芳綠尙饒插架重披書萬卷洗

塵先醉酒千瓢而今始識閑居味懶向名山再

曠觀樓詩存

卷六

古

整鑣

野望

落葉滿詩瓢秋吟望沈寥暮煙青在竹新水綠

平橋幾處歸牛晚一行征雁遙楓林初月挂照

見鬢蕭蕭

聞笛

又惹山翁怨斜陽笛一枝無人能識曲有恨不

禁吹歲月闕毛穎江湖入鬢絲生平知已感何

處覓桓伊

對酒

老境催人酒易醺無端世態感紛紛短轅事業  
慚王導長柄文章笑陸雲伏櫪久回千里夢下  
簾自愛一爐熏若云嘯傲吾何敢爲看浮名淡  
十分

烏反哺

昆弟不相能不如桓山禽生子一鳴張破鏡無

曠觀樓詩存

卷六

五

好音吁嗟懷抱三年苦人生孰無母與父朝將  
雛暮翼孤十子九子幸不暇可憐心血親爲枯  
我所思反哺烏

題金筱莊郡伯

咸

撫松圖

秋山迢遞暮煙紫老龍拔地風雷起中有金仙  
第一流七尺孤筇和月倚先生宦遊德政同十  
邑往往祀樂公賓禮耆舊下白屋尋常出語如  
松風卽今衰老鬚眉古畫幡更洒狼峰雨諸郎



袞袞簞仕途頗似階前大夫五訟庭花落春正  
高淡墨點染無聲濤霜柯雪葉足天趣眼前題  
詠皆詩豪文章靜坐絲綸閣清風好卧趙抃鶴  
願公緩賦歸去來白頭穩看三公作

古衣將至南昌舟中作

衡浦一聲雁秋空萬里長江流襟楚越山勢入  
帆檣老我翻鸚武何神助馬當詩成聊擊節明  
發抵南昌

曠觀樓詩存

卷六

六

曠觀樓詩存

十年憂國鬢絲華殘局難支尙建牙鉤黨馬兒  
終誤玉銜箋燕子已無家三更血淚悲青史干  
古江聲咽白沙欲弔衣冠何處是且携樽酒酌  
梅花

卷六終

